

Italica possit ostentari: moles est lapidea, ex quadrata basi pedum $xx\frac{1}{2}$ sensim assurgens ad pedum circiter $lxx\frac{1}{2}$ v altitudinē, tota ab omni parte variis imaginibus semiplanis insculpta, in fastigio Aquilæ restat fragmentum, globo insidentis, cui expansæ alæ. & ante pectus velum fuisse apparet. Est Nancei Aedes D. Georgij, in qua Monumentum visebatur *Caroli Audacis*, Burgundiæ Ducis, ab Helvetiis & Lotaringis Nonis Ianuarij anno $cio\ cccclxxv\frac{1}{2}$ acie cæsi, cujus reliquias, Caroli v Imperatoris, ipsius Pronepotis iussu, anno $cio\ ccl\frac{1}{2}$ mense Octobri inde Leuceburgum solenniter transtulit Boifotus, Ordinis aurei Velleris Præco: Brugas hinc mox, Mariæ Hungariæ Reginæ mandatu, transportandas. Sunt in eadem D. Georgij Aede aliquot Lotaringicorum Ducum Tumuli, qui Inscriptionibus carent: ut & in aliis Templis. Posteriorum Ducum pars potior ad D. Francisci Aedem, sita est. Spectare ibi est superbum *Renati*, qui victoria potitus est contra Carolum Burgundiæ Ducem, Monumentum. Conditijacent ibidem *Dux Antonius*, ejusque Filius *Franciscus*, Carolique Ducis Vxor *Claudia Valefia*, Henrici i Galliarum Regis filia, Armamentarium habet Nanceium, Machinis Bellicis omnis generis instructissimum. Templum est in Vrbe Metensi D Stephano sacrum & alia, de quibus Divæus. Templum D. Stephani nomen tenet, qui civitatis est Patronus, pulcherrimum vero opus, si quod aliud toto hoc itinere videmus, & sua mole spectabile: quodque raro accidit, omni ex parte consummatum. Dicebatur in eo fuisse Crucifixi ligneam imaginem, totam Laminis aureis superinductam. Vidimus Labrum Porphyreticum rubei coloris magna capacitatis, pedes x longitudinis excedens, in quo Lustrales Aquas adservant. Sunt & alia in hac eadem urbe sumptuosa Tempia, & multa erant in eius Suburbis, inter quæ D. Arnulphi Basilica, Imp. Ludovici Pij Augusti, Caroli filii & filiarum, aliquot Pipini Regis sepulchra celebris. Omnia hæc absumpit Belli rabies, ita ut suburbii ne vestigium quidem nunc super sit, neque ultra muros quidquam præter campestria videas. Haud procul Metis, prope Pagum Iovij, in Mosella antiqui Aquæductus sunt Vestigia. De iis sic Divæus in Itinerario: In hoc itinere Pagus est Iovij vulgo dictus inter montium radices & Mosellam, ubi quantacumque est inter montes utrosque, qui ripas ambiunt, distantia. Aquæductum antiquitus fuisse, indicant ejusdem, quæ adhuc exstant, reliquie. Arcuum adhuc restant multi, suntque ex albo Lapide, in laterum formam dissecto: & nonnulli quoque ejusdem operis in adversa ripa cernuntur. Incolæ adferebant in eodem loco fontem hodieque esse, quamvis hos Arcus (solita inscitia) Ponti inservisse putantes, & ab hoc Pagum in montis ipsius jugo minores alios Arcus fuisse dicebant, qui versus urbem Metensem, quæ uno hinc distat milliari, excurrere viderentur. Altitudo juxta ripam pedum est circiter lx: unde conjicere est, quanta totius operis moles fuerit, quantaque altitudo Arcuum, qui in ipso erant Fluminis alveo, quorum hodie nihil superest. Referebant iidem Incolæ, superiorem Arcuum partem planam omnino esse cemento rubei coloris inductam & in ejus medio Domunculam non ita multis ab hinc annis adhuc fuisse, ab utraque parte patentem, quam nos partem Tecti fuisse, quæ Tubum tegeret suspicabamur. Mediomatricum Urbem, quæ olim Imperialis erat Henricum i Galliarum Regem in suam potestatem redigisse, supra diximus. Præsides Urbis Senatui missus ab Rege Magistratus. Tribunal autem Mediomatricis urbis tres habet Episcopatus, sub Metropoli Trevirensi *Metensem*, *Tullensem*, *Virdunensem*, sic ab Locis nuncupatos, in quibus singulis sedes.